

界齊到萬神同欽天皇上帝梵炁流精金光
四集曷敢不臨汝若違今上有憲刑急準

王清元始上帝教
依法召將畢復書至蒙於巽上見諸將森
立其中聽今分明如對

向伸召請諸司官將法部吏兵既沐降臨各
請解騎下車依班執序少停儀衛以聽關宜
切以範圍天地之道具載齋科昭回雲漢之
章合先劾奏將感通於一瞬庶克享於多儀
酌仙醴以浮香初筵既秩開帝闈而駕景六

合非遙酒在若樽用陳初獻
再運真香供養諸司將吏法部功曹土地等
神切以出手震齊手豎陰陽不測之謂神應
手天順乎人來往無窮之謂聖適伸關召諒
賜感通奏到投詞合行宣示

當職領詞虔切理難抑違以今具錄事由飛
奏宸廷請頒恩命申牒三界真司照應施行
欲假通傳之力須憑酌獻之儀切以形而上
者之謂道妙莫能名聖不可知之謂神禮存
敬享既領宣行之職將騰敷奏之言望天關

之開張聖凡有簡乘飈車而陟降上下無方
謹運丹衷酒陳二獻

切以官天地府萬物道所以尊酒風雨鼓雷
靈神無不在赫若仙科之華大哉神化之靈
我有封禪帝將者覽有頌傳奏庶副虔祈再

炷真香酒陳三獻
三獻已畢事不再陳壇有降文請行宣示

宣關牒符誥
公文宣告神聽必聽依應施行不得虛悞下
今三界內外帝令至尊法雷役電旋乾轉坤

一如帝今疾速奉行
飛丁罡目送將吏精思雷電轟烈騰雲而
去焚燎畢內視納息萬化寂然

道法會元卷之十八

道法會元卷之十九
玉宸鍊度請符簡儀
法事 上信香

伏以惟皇上帝與物為春哀此下民沛其天
澤臣侍玉皇香案親傳鳳篆龍章頒行則三
界承恩告下則九幽罷對茲伸請降先謹奏

閣門下具職奏啓
太上元極大道萬法之祖萬法之宗萬法之
師玉清聖境清微天宮元始法王至真天寶

上清真境禹餘天宮玉宸道君至真靈寶太
清仙境大赤天宮道德高尊至真神寶昊天

金闕玉皇大帝尊玄言高上帝南極勾陳上
官天皇大帝北極紫微中天太皇大帝承天
效法后土皇地祇高上神霄玉清真王南極

長生大帝統天元聖天尊高上碧霄上清華
玉東極青華大帝太乙救苦天尊高上丹霄

太清韓王好生韓君丈人朱陵度命天尊十
方靈寶天尊十方救苦天尊九天生神上帝

五方五老上帝天地人三皇上帝八極九霄
帝君東華木公上相西漢金母元君三十二

天上帝大羅諸天帝君鬱儀官大陽天皇上
 帝日中太丹洞明洞靈太素真人朱景童子
 九光散輝玉童仙吏南上開光度生一切真
 聖南丹九華度品官君南斗六司上生真君
 結璘官太陰地皇聖母月中黃華石景水母
 流光夫人圓光散輝童子玉女東升八宿星
 君天河濯沐夫人東井黃華玉女北方玄天
 銀河星渚一切仙靈北斗七元落死星君女
 冥紫光太一夫人上清五行四曜星君周天
 列宿萬象高真清微宗主真元妙化上帝太
 初天君紫宸太華天帝玄中大法師玉虛明
 皇道君上元中元下元三官大帝北極法主
 天蓬天猷翊聖佑聖四天上帝大羅元極神
 公青陽天君王清元始法師丹陽天君王堂
 大教主紫陽天君文始妙道真人太清明惠
 真人太慈救苦二玄真人三天扶教輔元體
 道大法天師正一靜應顯佑真君金闕上保
 高元宸照法王清真紫虛元君太上玉京太
 極左宮仙公冲應孚佑真君九州都仙太史
 高明大使神功妙濟真君會書三省孚佑顯

靈超應護國真君清微三炁九霄符章經道
 霄帝天君靈寶三洞四輔經錄高真神霄內
 外臺東極善政院靈寶大法司南昌上下官
 因陵樞府朱陵天府上清黃籙院聚魂五總
 府北魁文範府上清天醫院諸司真宰東青
 西素南丹北玄四維上下十方已得道大聖
 衆度人不死尊神南極長生大君度世司馬
 大神好生韓君丈人十方元極至真大神飛
 天神王雷霆九司卿相真君五嶽總領真君
 清淵贊玄靈華夫人三界五天大勳魔王清
 微元上侍宸保仙元君瓊室洞清郭元君福
 和耀真傳元君龍光道明姚元君紫英玉惠
 高元君洞陽上宰清虛華真人青城山通慧
 朱真人雲山保一李真人眉山混隱南真人
 丹山雷淵黃真人西山真息能真人秦智冲
 和彭真人洞淵塵外魯真人浚儀原陽趙真
 人清微靈寶遺德正一諸階啓教演法承流
 諸派宗師仙衆九天天主執宰御保舉考
 校一切仙聖階階法錄中天仙官君雷神將
 帥各部威靈下方厚土真皇大帝水府搏桑

大帝北陰鄴都大帝十宮真君五嶽名山聖
 帝地水二界真仙幽嶽冥官典者京都城隍
 之神本府城隍主者九州社令主者十方道
 主者陽間祀典百神琳庭壇靖真官助道贊
 化威靈三界十方應感列聖咸望洪慈垂光
 降鑿名香淨茶普同供養

法事

具職 啓聖

臣聞玉符肆赦春生寒谷之鄉金殿參班雲
 近通明之御 臣道非深造學未多聞誦元始
 度人之經舉玉宸拔亡之典應有祈禱代為
 關騰情見手詞悉剖寸心之蘊天從所欲願
 回四目之聰謹露青書上塵瞻覽

宣意或青書

次命將

宜關引出焚燎

告開天度火三符

飛神朝奏請命

飛符演赦天尊

具職 臣某誠惶誠恐稽首頓首再拜

臣聞元惡大慈其初本出於一心峻法嚴刑
 所報遂分於五苦一沉地獄永失人身刀錐

鼎鑊之威未嘗暫息考掠鞭笞之慘所不忍
言當其萬苦之切身雖欲自新而無路洪惟
大道俯念合生因其萌悔過之心遂示以遷
善之法答玉宸之經教出元始之符章俾其
慧光內燭而頓悟前非息命一宣而永辭長
夜臣實慚下學叨布上恩該當命令之告行
惟待綸音而賜允臣今依式請降
玉清天赦寶章

元始符命黃錄白簡赦苦長生二符
元始玉書三元紫策玉簡

玉宸七寶紫微玉符

天一北作玉札

元始一炁水火真符

神霄瓊清洞章

三元慧光真符

元始符命生天寶籙

無上玉簡昇玄寶文告下冥司赦拔罪苦伏
願三天命下九地春回雷厲風飛渙汗其大
號海涵春育感歸於至仁五道停輪三途罷
對臣等下情無任虔禱俟命之至謹言

飛符演放天籙

引至壇前誦金光咒

師行淨存神依法召將告符

杳杳冥冥天地同生散則成氣聚則成形以
神馭炁以炁召神聞呼即至遇召即臨元始

一炁萬神雷司恭准

清微天寶道宗玉宸經法律令召請上清運

陽赤靈神烈者天君上清運陰黑靈神化畢

天君太玄左右攝召烏塗二神君承差某將

北魁玄範府陽神大聖何元帥陰神大聖喬

元帥三部使者七真玉女玉籙直符王陸二

使者龜臺素控漢玉女

玄都金龍焚龍驛吏火府地府齋簡童子天

通地道功曹上元焦使者中元朱使者下元

唐使者追魂五道大神追攝合千官吏聞令

召命速至行壇當願乘雲馭炁浮空而來應

感隨機不疾而速暫停仙騎昭納丹誠道香

淨茶香同供養

法事

伏聞元始天王蒼清微之妙道玉宸上帝傳

靈寶之經科普度幽途廣舉惠澤布一札叮
嚀之旨拔九幽沉滯之魂渙汗一頌聽德音
之秩秩異風四布賴符吏之匆匆用實武威
酒陳初獻

法事

伏聞宥過無大表太上之寬恩傳命置郵賴
爾神之宣力悉與幽關更始要令寒谷回春
頃刻不許稽留恩沛須令周徧酒陳二獻意
表一誠

法事

如血湖齋用後獻酒文作二獻用

伏以嗟哉有身之為患莫若婦人拔之死地
而後生必資帝力救鐵圍之塊與布玉簡之
真文使血湖沾曠蕩之恩賴符使致驅馳之
力不辭再瀆更進一杯

法事

伏以宣威三界界職九天出幽入冥莫測陰
陽之妙排空馭炁如在左右之間有煩神馭
之驅馳編布簡文於冥漠風雷肆赦當一洗
於圍扉車馬載驅願速登於雲路酒陳三獻
抑其享之

諷經

適宣經呪用替武威元降符章謹當宣告承
是將吏聽領頒行

宣符簡

符命頒宣冥司遵稟應于主者敢違告下之
文所薦亡魂丞準赦原之教委請遞牒謹用
披宣

宣遞牒關文

向伸符牒宣讀已周伏想寶騎一麾綠雲四
合頃刻而周遊三界逡巡而歷過九幽宣太
上之德音救幽局之罪爽真符告下豈容一
刻之稽留主者施行急準三天之律今承差
天將火急奉行

遣將 焚化 向來

道法會元卷之十九

道法會元卷之二十

玉宸法鍊度儀

豎八

無事 告淨壇符 諷淨天地呪
洒淨 念金光呪 師存神化壇
告信香符上香

家祀符使功曹傳香達信招真會靈
志心朝禮三界之上梵天彌羅上極無上天
中之天鬘羅蕭臺玉山上京渺渺金闕森羅
淨泓玄元一炁混沌之先寶珠之中玄之又
玄開明三景化生諸天億萬天真無缺數眾
旋斗歷箕回度五常纒巍大範萬道之宗大
羅玉清虛元自然至真妙道元始天尊
再誦彌羅號青華號各一迺
具職臣恭誠惶誠恐稽首頓首再拜上言臣
伏以元始天王登黍珠而說法玉宸上帝演
靈寶以度人蓋自太極判而兩儀分由是四
象成而五行具天地之大何莫由斯道焉人
物之生必有宰其間者於此見天理流行之
實有莫非陰陽造化之功無極之真二五之
精妙合生成之理空洞之中無色之境默司

主宰之權凡有禱祈首當啓告臣仰望清光
肅恭奏啟

太上元極大道萬法之祖萬法之宗萬法之
師玉清聖境清微天宮元始法王至真天寶
上清真境禹餘天宮玉宸大道至真靈寶太
清仙境大赤天宮道德高尊至真神寶昊天
金闕玉皇大天尊玄穹高上帝南極勾陳上
宮天皇大帝北極紫微中宮太皇大帝承天
效法后土皇地祇高上神霄玉清真王南極
長生大帝統天元聖天尊高上碧霄上清華
王東極青華大帝太一救苦天尊高上丹霄
太清韓王好生韓君丈人朱陵度命天尊十
方靈寶救苦天尊九天生神上帝五方五老
上帝天地人三皇上帝八極九霄帝君東華
木公上相西漢金母元君三十二天上帝諸
天應號帝君鬱儀宮太陽天皇上帝日中大
丹洞明洞靈太素真人朱景童子九光散輝
玉童仙吏南上開光度生一切真聖南丹九
華度品官屬南斗六司上生真君結璘宮太
陰地皇聖母月中黃華石景水母流光夫人